



COLEG
CAMBRIA

2025-26

GWASANAETHAU IYSGOLION

WWW.CAMBRIA.AC.UK | 0300 30 30 007

Cynnwys

Croeso	03
Rhaglen Cyswllt Ysgolion 14-16 oed	04
Digwyddiadau Agored	04
Ein Gwasanaethau i Chi	05 - 09
Cymorth ac Arweiniad	10 - 16
Llyfrgelloedd a Chymorth Sgiliau Academaidd	17
Profiadau Dysgwyr	18 - 19
Safon Uwch	20 - 21
Cyrsiau Ymarferol	22 - 23
Cyrsiau'r Tir	24
Prentisiaethau a Thwf Swyddi Cymru+	25
Cyrsiau Lefel Gradd	26
Dysgu trwy Gyfrwng y Gymraeg	27
Dewch o Hyd i Ni	28



**DARPARIAETH CLUDIANT Â CHYMHORTHDAL* I FYFYRWYR
LLAWN AMSER 16-18 OED, SY'N BYW DROS 3 MILLTIR I FFWRDD**

*os ydych chi'n gymwys, manylion ar dudalen 10

Gwasanaethau i Ysgolion - Croeso



Rydym yn cynnig amrywiaeth eang o gymorth i ysgolion fel chi, y gallwch eu defnyddio i helpu eich disgyblion i gyflawni eu nodau a dod o hyd i'r llwybr gyrfya cywir. Fel athro/athrawes, gall helpu eich disgyblion i ddod o hyd i'w llwybr i lwyddiant roi ymdeimlad gwych o gyflawni i chi.

Hoffem gyflwyno ein Gwasanaethau i Ysgolion i chi. Rydym yma i weithio gyda chi a'ch disgyblion i'w helpu i wneud penderfyniadau deallus am eu haddysg a'u dewisiadau gyrfya ar ôl iddynt adael eich ysgol.

Gallwn eich helpu chi i helpu eich disgyblion mewn sawl ffordd, gan gynnwys archwilio eu dewisiadau gyrfya, rhoi cymorth iddynt gyda'u dysgu, neu eu helpu i ddarganfod rhagor am yr hyn mae'r coleg yn gallu ei gynnis.

Rydym yn edrych ymlaen at weithio'n agos gyda chi, i sicrhau bod gan eich disgyblion ddyfodol llwyddiannus.



I gael rhagor o wybodaeth, anfonwch e-bost at gwasanaethaiysgolion@Cambria.ac.uk

Rhaglen Cyswllt Ysgolion 14-16 oed



Trwy gydweithio gydag ysgolion ac awdurdodau lleol, mae Rhaglen Cyswllt Ysgolion Coleg Cambria yn gyfle gwych i ddysgwyr 14-16 oed gael profiad o hyfforddiant galwedigaethol ac ennill cymwysterau sy'n cael eu cydnabod gan ddiwydiannau wrth iddynt astudio yn yr ysgol.

Rydym yn croesawu dros 1,000 o ddysgwyr ysgolion Gogledd Ddwyrain Cymru i'r coleg bob wythnos, i astudio ystod eang o gyrсияu cyffrous. Mae'r cyrsiau hyn wedi'u hanelu tuag at ddewisiadau gyrfaoedd ymarferol ac fe'u lluniwyd i ateb gofynion diwydiannau lleol. Mae'r cyrsiau yn amrywio o Fusnes i Beirianeg, Adeiladu i Gyfrifiadura, Gwallt a Harddwch i Wasanaethau Cyhoeddus - mae pob un o'r cyrsiau hyn yn rhoi cipolwg cyntaf i'r myfyrwyr ar lwybrau gyrfa a chyflogaeth posibl.

Mae Coleg Cambria yn cynnig yr un hyfforddiant ymarferol rhagorol i ddysgwyr 14-16 oed ag rydym yn ei gynnig i'n dysgwyr 16 oed a hŷn. Mae astudio ar unrhyw un o'n safleoedd yn rhoi cyfle i bobl ifanc gael defnyddio cyfoeth o gyfleusterau safonol byd diwydiant.

- **Buddsoddiad o £10 miliwn yn y Ganolfan Sgiliau STEM / Canolfan Technoleg Peirianeg ysbrydoledig yn Ffordd y Bers**
- **Canolfan Ragoriaeth Peirianeg yng Nglannau Dyfrdwy**
- **Salon Trin Gwallt a Harddwch masnachol arbenigol a chyfleusterau bwytai hyfforddi ac arlwyio proffesiynol safon y diwydiant**

Digwyddiadau Agored



MAWRTH 2026

Glannau Dyfrdwy a Chweched Glannau Dyfrdwy
Dydd Mercher 4, 5.30-7.30pm
Hygyrch: Dydd Iau 12, 5-6pm

Llysfasi
Dydd Sadwrn 7, 10am-12pm
Hygyrch: Dydd Iau 26, 5-6pm

Ffordd y Bers
Dydd Mercher 11, 5.30-7.30pm
Hygyrch: Dydd Iau 19, 5-6pm

Iâl a Chweched Iâl
Dydd Mercher 11, 5.30-7.30pm
Hygyrch: Dydd Mercher 18, 5-6pm

Llaneurgain
Dydd Sadwrn 14, 10am-12pm
Hygyrch: Dydd Mercher 25, 5-6pm

Ein Gwasanaethau i Chi



Gallwn roi cyngor ac arweiniad i'ch disgyblion fel a ganlyn:

- **Dod i'ch nosweithiau rhieni**
- **Dod i'ch digwyddiadau gyrfaoedd**
- **Cynnal sgysiau croesawu a theithiau o amgylch unrhyw un o'n safleoedd**
- **Cynnal arddangosiadau rhyngweithiol i'ch disgyblion i roi profiad ymarferol o'r pynciau sydd o ddiddordeb iddynt**
- **Rhoi sgysiau i'ch disgyblion am y coleg**

Mae ein digwyddiadau sgwrs a thaith yn ffordd wych i'ch disgyblion gael rhagor o wybodaeth am yr ystod o ddewisiadau sydd ar gael iddynt yn y coleg. Gallwn drefnu digwyddiadau pwrpasol ar gyfer eich disgyblion. Anfonwch neges e-bost atom a byddwn yn gweithio gyda chi ar ddigwyddiadau arbenigol.

Anfonwch neges e-bost gyda manylion unrhyw ddigwyddiadau yr hoffech i ni ddod iddynt ac os hoffech gael rhagor o wybodaeth am ddod â'ch myfyrwyr i ymweld â'r coleg.

gwasanaethaiysgolion@cambria.ac.uk



Digwyddiadau ar Safleoedd Cambria



Sgwrs a Thaith o'r Coleg

1-2 awr

Addas ar gyfer Blynnyddoedd 10 ac 11

Dewiswch pa safle yr hoffai eich dysgwyr ymweld ag ef ac mi wnawn ni'r gweddill. Yn ystod y sgwrs a thaith bydd eich grŵp yn cael cymryd cip o amgylch y safle cyfan gan gynnwys yr ystafelloedd dosbarth, gweithdai, cyfleusterau arbenigol, Gwasanaethau Myfyrwyr, Cymorth Dysgwyr, llyfrgelloedd, manau gwerthu bwyd a manau cymdeithasol. Bydd hyn yn rhoi cyfle iddynt weld sut le yw'r coleg a bydd digon o gyfleoedd i ofyn cwestiynau er mwyn iddynt wneud penderfyniad gwybodus am eu camau nesaf ar ôl gadael ysgol.

Sgwrs a Thaith o'r Maes Pwnc

30 munud - 1 awr

Addas ar gyfer Blynnyddoedd 10 ac 11

Gellir cyfuno hyn gyda theithiau meysydd pwnc eraill.

Dewiswch pa safle yr hoffai eich dysgwyr ymweld ag ef ac mi wnawn ni'r gweddill. Yn ystod y sgwrs a thaith bydd eich grŵp yn cael cymryd cip o amgylch y safle cyfan gan gynnwys yr ystafelloedd dosbarth, gweithdai, cyfleusterau arbenigol, Gwasanaethau Myfyrwyr, Cymorth Dysgwyr, llyfrgelloedd, manau gwerthu bwyd a manau cymdeithasol. Bydd hyn yn rhoi cyfle iddynt weld sut le yw'r coleg a bydd digon o gyfleoedd i ofyn cwestiynau er mwyn iddynt wneud penderfyniad gwybodus am eu camau nesaf ar ôl gadael ysgol.

Rhagflas o Bwnc

30 munud - 1 awr

Addas ar gyfer Blynnyddoedd 10 ac 11

Gellir cyfuno hyn gyda theithiau meysydd pwnc eraill.

Mae rhagflas o bwnc yn rhoi cyfle i'ch dysgwyr gymryd rhan mewn sesiwn sy'n benodol i bwnc i'w helpu i ddarganfod a ydynt yn hoffi'r pwnc. Gall sesiynau rhagflas gynnwys sesiynau ymarferol, darlithoedd neu weithgareddau ymarferol yn dibynnu ar y pwnc a ddewiswyd.



Gweithdai Llesiant a Thaith Dywysedig

Hanner Diwrnod (gan gynnwys Taith 45 munud)

Addas ar gyfer Blwyddyn 11

Dewiswch pa safle a maes pwnc yr hoffai eich dysgwyr ymweld â nhw a byddwn ni'n gwneud y gweddill. Yn ystod yr ymweliad llesiant hanner diwrnod hwn bydd cyfle i chi gael golwg o amgylch y safle a'r cyfleusterau yn eich maes pwnc dewisol. Bydd modd i chi ymweld â'n Gwasanaethau Myfyrwyr, Cymorth Dysgu, Llyfrgell, manau prynu bwyd, a manau cymdeithasol ar y safle. Bydd y gweithgareddau llesiant yn cael eu cynnal yn ein Hwb Llesiant a bydd yn gyfle i gwrdd â staff allweddol, dysgu technegau llesiant a gofyn cwestiynau. Nod hyn yw helpu dysgwyr sy'n cael trafferth gyda'u hiechyd meddwl i deimlo'n gyfforddus am ddechrau yn y coleg ym mis Medi.

Ymweliadau â'ch Ysgol



Sgwrs Gyffredinol am y Coleg a Thaith Rithwir

Addas ar gyfer Blynyddoedd 10 ac 11

Gall ein tîm ddod i'ch nosweithiau agored a digwyddiadau gyrfaedd i roi gwybodaeth am y coleg i ddysgwyr a'u rhieni, gallwn ddod â phensetiau rhith-realiti er mwyn i'ch dysgwyr brofi taith rithwir o gyfleusterau'r coleg. Os oes digon o le yn eich ysgol, gellir cyfuno hyn gyda sgwrs maes pwnc a sesiynau rhagflas byr, a bydd ein timau cwricwlwm yn dod draw a gwneud gweithgareddau rhyngweithiol gyda'ch dysgwyr.

Canllaw Cyflym i Goleg Cambria

Sgwrs yn Ystod Gwasanaeth

Addas ar gyfer Blynyddoedd 10 ac 11

Gellir teilwra'r sgwrs hon ar gyfer hyd eich gwasanaeth ysgol i gyflwyno'r coleg i'ch dysgwyr, y gwahanol fathau o gyrsiau sydd ar gael a'r cymorth sydd ar gael.

Sgwrs Maes Pwnc a Rhagflas Byr

30 munud

Addas ar gyfer Blynyddoedd 10 ac 11

Gellir cyfuno hyn gyda sgwrsiau a sesiynau rhagflas byr eraill, a'r sgwrs gyffredinol am y coleg a'r daith rithwir.

Gall ein staff cwricwlwm ymweld â'ch ysgol a gwneud gweithgareddau rhyngweithiol gyda'ch dysgwyr yn eu dewis bynciau (gall gweithgareddau gynnwys weldio rhithwir, gweithgareddau arlwy, gwiriadau meddygol sylfaenol, trin anifeiliaid, ac ati) - gallai hyn fod ar unrhyw bryd yn ystod y diwrnod ysgol, neu wedi'i gyfuno gyda'r sgwrs gyffredinol am y coleg fel rhan o'ch digwyddiadau gyrfaedd. Mae sgwrsiau meysydd pwnc a sesiynau rhagflas byr yn rhoi cyfle i'ch dysgwyr i brofi pynciau gwahanol heb orfod ymweld â'r coleg.



Digwyddiadau Rhithwir

Beth Nesaf? Cyrsiau Ymarferol

Sesiwn Holi ac Ateb Rithwir

Tua 30 munud

Addas ar gyfer Blynnydoedd 9, 10 ac 11

Rhowch wybod i ni pa gyrsiau ymarferol sydd o ddiddordeb i'ch dysgwyr a byddwn yn anfon dolen atoch i ymuno â sesiwn holi ac ateb rithwir ar amser sy'n gyfleus i bawb. Yn ystod y sesiynau hyn bydd eich dysgwyr yn darganfod rhagor am gyrsiau ymarferol ac yn cael y cyfle i ofyn unrhyw gwestiynau sydd ganddynt a byddant yn cael yr holl wybodaeth sydd eu hangen arnynt ar gyfer eu cam nesaf ar ôl yr ysgol.

Beth Nesaf? Safon Uwch

Sesiwn Holi ac Ateb Rithwir

Tua 30 munud

Addas ar gyfer Blynnydoedd 9, 10 ac 11

Rhowch wybod i ni a oes gan eich dysgwyr ddiddordeb mewn astudio Safon Uwch yn Chweched Glannau Dyfrdwy neu Chweched lâl, a byddwn yn anfon dolen atoch i ymuno â sesiwn holi ac ateb rithwir ar amser sy'n gyfleus i bawb. Yn ystod y sesiynau hyn bydd eich dysgwyr yn darganfod rhagor am Safon Uwch ac yn cael y cyfle i ofyn unrhyw gwestiynau sydd ganddynt a byddant yn cael yr holl wybodaeth sydd eu hangen arnynt ar gyfer eu cam nesaf ar ôl yr ysgol.

Beth Nesaf? Prentisiaethau

Sesiwn Holi ac Ateb

Rithwir

Tua 30 munud

Addas ar gyfer Blynnydoedd 9, 10, 11, 12 ac 13



Byddwn yn anfon dolen atoch i chi a'ch dysgwyr ymuno â sesiwn holi ac ateb rithwir ar amser sy'n gyfleus i bawb. Yn ystod y sesiynau hyn bydd eich dysgwyr yn darganfod rhagor am Brentisiaethau ac yn cael y cyfle i ofyn unrhyw gwestiynau sydd ganddynt a byddant yn cael yr holl wybodaeth sydd eu hangen arnynt ar gyfer eu cam nesaf ar ôl yr ysgol.



Beth Nesaf? Cyrsiau Gradd

Sesiwn Holi ac Ateb Rithwir

Tua 30 munud

Addas ar gyfer Blynnydoedd 12 ac 13

Byddwn yn anfon dolen atoch i chi a'ch dysgwyr ymuno â sesiwn holi ac ateb rithwir ar amser sy'n gyfleus i bawb. Yn ystod y sesiynau hyn bydd eich dysgwyr yn darganfod rhagor am astudio cyrsiau lefel gradd yng Nghanolfan Brifysgol Cambria, yn ogystal â'r buddion o astudio'n agosach at adref a darganfod rhagor am ein partneriaid prifysgol. Bydd hyn yn eu helpu i wneud penderfyniad a ydynt am astudio'n lleol neu symud oddi cartref.

Beth Nesaf? Astudio Trwy Gyfrwng y Gymraeg

Sesiwn Holi ac Ateb Rithwir

Tua 30 munud

Addas ar gyfer Blynnydoedd 9, 10 ac 11

Byddwn yn anfon dolen atoch i chi a'ch dysgwyr ymuno â sesiwn holi ac ateb rithwir ar amser sy'n gyfleus i bawb. Yn ystod y sesiynau hyn bydd eich dysgwyr yn darganfod rhagor am barhau gyda'u hastudiaethau trwy gyfrwng y Gymraeg a pha gymorth sydd ar gael iddynt yn Cambria. Byddant yn cael y cyfle i ofyn unrhyw gwestiynau sydd ganddynt a byddant yn cael yr holl wybodaeth sydd eu hangen arnynt ar gyfer eu cam nesaf ar ôl yr ysgol.

Cymraeg



Cymorth ac Arweiniad

Rydym wedi ein lleoli ar bob safle Cambria, ac rydym yn dîm croesawgar a phrofiadol. Gallwn gynnig gwybodaeth, cyngor ac arweiniad ar bob agwedd o'ch taith yma yn y coleg.

Gwybodaeth, Cyngor ac Arweiniad

Rydym yn hwb cymorth pwrpasol ar gyfer popeth academaidd a phersonol. Mae ein tîm profiadol yma i'ch arwain chi trwy eich taith addysgol, gan eich cysylltu chi â'r holl feysydd cymorth cywir, cynnig cymorth gyda dewis cyrsiau, cynllunio gyrfa, a datblygiad personol.

Angen cymorth gyda chludiant, cymorth ariannol, neu lesiant? Rydym yma i chi. Yn Cambria, rydym wedi ymrwmo i sicrhau bod pob myfyriwr yn ffynnu. Cysylltwch â ni heddiw a gadewch i ni eich helpu chi i wneud y gorau o'ch profiad yn y coleg!

gwasanaethaemyfywrwyr@cambria.ac.uk

Cludiant

Rydym yn cynnig darpariaeth cludiant â chymhorthdal o naill ai gludiant ar fws pwrpasol y coleg neu docyn bws cyhoeddus tymhorol Arriva. I fod yn gymwys ar gyfer cludiant â chymhorthdal bydd angen i chi fyw dros 3 milltir o'r safle coleg agosaf sy'n cyflwyno'ch cwrs dewisol*. Os ydych chi'n teithio ar gefn beic, mae raciau beic ar gael ar y rhan fwyaf o'n safleoedd.

cludiant@cambria.ac.uk



**TAPIWCH NEU
CLICIWCH YMA**

i weld manylion y bysiau

*Os ydych yn gymwys. Mae'r manylion yn gywir adeg argraffu'r canllaw hwn, ewch i'n gwefan am y wybodaeth ddiweddaraf.

Diogelu

Mae Cambria wedi ymrwmo i'ch diogelwch yn y coleg, a thu allan iddo, tra byddwch yn fyfyrwr gyda ni. Mae gennym dîm pwrpasol ar gyfer diogelu yn yr adran Gwasanaethau Myfyrrwyr i'ch helpu a'ch cynorthwyo chi.

diogelu@cambria.ac.uk



Cymorth Ariannol

Bydd ein tîm Gwasanaethau Myfyrrwyr yn gallu eich helpu gyda chymorth ariannol yn y coleg. Os ydych yn fyfyrwr llawn amser 16-18 oed ac yn byw yng Nghymru, efallai y byddwch yn gymwys i gael Lwfans Cynhaliaeth Addysg. Os ydych chi'n 19 oed neu'n hŷn, efallai byddwch yn gymwys i gael Grant Oedolion sy'n Dysgu Llywodraeth Cymru. Efallai byddwch hefyd yn gymwys ar gyfer y Gronfa Ariannol wrth Gefn, a allai helpu i dalu am eich gwisg, cit, cyfarpar, teithiau addysgol, llyfrau'r cwrs, cyfarpar diogelu personol a gwriad DBS (os oes ei angen ar gyfer eich cwrs).

gwasanaethaemyfywrwyr@cambria.ac.uk



TAPIWCH NEU CLICIWCH YMA

i weld ein fideos
Cymorth Myfyrwyr

Cyngor ac Arweiniad Gyrfaoedd

Mae ein hymgynghorwyr proffesiynol yn cynnig cymorth i ddarpar fyfyrwyr ar ddewis y cwrs cywir yn ogystal â chyngor ac arweiniad pan fyddwch yn fyfyrwr yn Cambria. Wrth ddefnyddio gwybodaeth a thueddiadau diweddar y farchnad lafur, gallant eich helpu i ymchwilio i yrfaeod ym mhob sector.

Ydych chi am wneud cais ar gyfer y brifysgol? Gall ein hymgynghorwyr gyrfaoedd eich helpu chi i ymchwilio i ddarpar brifysgolion a'ch cynorthwyo gyda'ch cais UCAS.

gyrfaoedd@cambria.ac.uk

Brecwast am Ddim

Mae gan unrhyw fyfyrwr ar unrhyw safle Cambria hawl i gasglu brecwast AM DDIM o unrhyw un o leuoedd bwyd y coleg, 8-9.15am ar ddydd Llun i ddydd Gwener. Mae'n rhaid i fyfyrwyr gyflwyno cerdyn adnabod y coleg dilys a gwisgo eu cordyn gwddf Cambria.

Hygyrchedd ein Gwefan



Gallai pobl sy'n ymweld â'n gwefan ddefnyddio Recite Me i wrando ar y cynnwys. Dyma feddalwedd sy'n darllen cynnwys gwefannau mewn llais o ansawdd uchel, sy'n swnio fel person. Caiff pob gair ei aroleuo wrth ei ddarllen, ac mae'r frawddeg yn cael ei haroleuo mewn lliw gwahanol. Mae hyn yn galluogi defnyddwyr i adnabod pa destun sy'n cael ei ddarllen a llywio tudalennau'r wefan. Am ragor o wybodaeth ewch i:

www.cambria.ac.uk/hygyrchedd

Cymorth ac Arweiniad

Newidiwch, Peidiwch Gadael

Ydych chi'n teimlo'ch bod chi wedi dewis y cwrs neu lwybr gyrfa anghywir? Peidiwch â phoeni, mae'r tîm Gwasanaethau Myfyrwyr wrth law i roi gwybodaeth ychwanegol, cyngor a chefnogaeth i'ch cael chi ar y cwrs iawn ar gyfer eich cynlluniau at y dyfodol. Siaradwch â'ch Anogwr Cynnydd neu galwch heibio'r Gwasanaethau Myfyrwyr i gael rhagor o wybodaeth.

gwasanaethaumfyrwyr@cambria.ac.uk

Anogwyr Cynnydd

Mae eich cefnogi chi yn un o'n prif flaenoriaethau. Dyma pam, o'r eiliad rydych yn ymuno â Cambria, byddwch yn cael cefnogaeth wedi'i theilwra gan eich anogwr cynnydd yn rheolaidd. Trwy sesiynau wythnosol, bydd y rhaglen MADE ('Cynnyddu Cyrhaeddiad a Datblygiad Pawb') yn datblygu eich sgiliau a gwybodaeth y tu hwnt i'ch cymhwyster yn Cambria.

Bydd eich Anogwr Cynnydd yn eich annog a'ch cynorthwyo mewn sawl ffordd ac yn datblygu eich annibyniaeth, fel eich bod yn gallu cyflawni'r canlyniadau gorau ar gyfer eich dyheadau at y dyfodol. Mae Anogwyr Cynnydd yn ffurfio rhan o'r cymorth y byddwch yn ei gael yn Cambria a gallant eich cyfeirio chi at gymorth arbenigol os oes angen.

Byddwch hefyd yn cael y cyfle i gyfarfod â'ch Anogwr Cynnydd mewn sgysrsiau un i un i gael adolygu eich cynnydd, a gosod nodau a thargedau.

Yn gysylltiedig â'ch maes pwnc, bydd eich Anogwr Cynnydd yn eich helpu chi trwy gydol eich amser yn Cambria: yn eich arwain, yn eich cynorthwyo ac yn dathlu eich cynnydd.

cynnydd@cambria.ac.uk

Sesiynau Gwytnwch a Chwmsela

Mae ein Hanogwyr Gwytnwch yn helpu dysgwyr i adnabod a goresgyn rhwystrau at ddysgu. Gan gynnig sesiynau un i un wedi'u teilwra, neu sesiynau grŵp, byddant yn eich helpu i archwilio strategaethau a thechnegau a ddylent eich helpu. Bydd datblygu eich gwytnwch a'ch llesiant yn eich galluogi i gael profiad mwy cadarnhaol a boddhaus yn y coleg. Gallant hefyd eich cyfeirio at wasanaethau cymorth eraill, gan gynnwys cwmselwyr ac asiantaethau eraill.

Gofalwyr, Gofalwyr Ifanc a Myfyrwyr Sydd Wedi Profi Gofal

Mae'r coleg yn llwyr ymwybodol o'r heriau y mae gofalwyr a gofalwyr ifanc yn eu hwynebu, ac mae wedi ymrwymo i wella eich profiadau a'ch cyfleoedd fel myfyriwr Cambria. Rydym wedi cyflawni'r Safon Ansawdd mewn Cymorth i Ofalwyr. Am ragor o wybodaeth, cysylltwch â:

gwasanaethaumfyrwyr@cambria.ac.uk
gofalwyrifanc@cambria.ac.uk

Calon Cambria: Gwirfoddoli a Chodi Arian yn Cambria

Mae Cambria yn cydnabod pwysigrwydd rhoi yn ôl i'n cymunedau ac effaith gadarnhaol mentrau elusennol ar gymdeithas. Trwy Calon, ein nod yw annog a chefnogi cyfleoedd gwirfoddoli a chodi arian at elusennau ar gyfer myfyrwyr a chydweithwyr ar gyfer unrhyw elusennau cofrestredig a chymeradwy lleol ynghyd â chefnogi diwrnodau codi arian cenedlaethol ac apeliadau brys.

calon@cambria.ac.uk

Sut i Wneud Cais




Mae gwneud cais i astudio yn Cambria yn rhwydd iawn. Dilynwch y camau syml hyn, a byddwch ar y daith at lwyddiant mewn dim o dro.

Dod o hyd i'ch cwrs a gwneud cais ar-lein

Pan rydych chi wedi dod o hyd i'r cwrs delfrydol rydych chi'n dymuno ei astudio, gallwch wneud cais ar-lein yn uniongyrchol o dudalen y cwrs yn www.cambria.ac.uk

Os oes angen unrhyw gymorth arnoch chi gydag unrhyw ran o'r broses gwneud cais, bydd ein tîm Derbyniadau yn hapus i'ch helpu gydag ymholiadau neu gwestiynau.

derbyniadau@cambria.ac.uk



Cam 2

Pan rydym yn cael eich cais, byddwch yn cael e-bost gyda ffurflen i'w llenwi a'i hanfon yn ôl atom ni.



Penderfyniad am gynnig

Pan rydym yn cael eich ffurflen Cam 2, bydd eich cais yn cael ei drosglwyddo i'r timau cwricwlwm.

Os ydy'ch cais yn llwyddiannus, byddwch yn cael cynnig amodol trwy e-bost. Mae hyn yn golygu fod gennych le ar gwrs gyda ni os ydych chi'n bodloni'r gofynion mynediad.

Digwyddiad Rhagflas

Dewch i'ch digwyddiad rhagflas i gael blas ar y coleg a'ch cwrs.



Cadarnhau eich Lle

Byddwch yn cael e-bost i gadarnhau eich lle ar-lein ar y diwrnod Canlyniadau TGAU ym mis Awst.



Gwybodaeth Dyddiad Dechrau

Byddwch yn cael e-bost yn nodi eich dyddiad dechrau a gwybodaeth ddefnyddiol arall.



Cymorth ac Arweiniad

Mae Cambria wedi ymrwmo i gynhwysiant i'n holl ddysgwyr.

Cymorth Iechyd Meddwl a Llesiant

Rydym yn gwybod bod iechyd meddwl a llesiant yn gallu cael effaith sylweddol ar eich profiad yn y coleg. Mae'r tîm Iechyd Meddwl a Llesiant yn angerddol am ddarparu'r cymorth a'r adnoddau gorau sy'n hyrwyddo eich llesiant ac iechyd meddwl da.

Rydym yn darparu:

- Hybiau llesiant a hybiau gwib - manau diogel a thawel i chi ymlacio a chymryd rhan mewn gweithgareddau meddwlgarwch.
- Gweithgareddau iechyd meddwl a llesiant trwy gydol y flwyddyn.
- Cymorth gan staff llesiant pwrpasol sy'n ystyriol o drawma ar bob safle'r coleg.
- Sesiynau a chefnogaeth un i un am iechyd meddwl a llesiant, sydd wedi eu teilwra i ddiwallu eich anghenion.
- Cefnogaeth i chi oresgyn gorbryder ynghylch cymdeithasu, dod i'r coleg neu deithio i'r coleg.
- Cynlluniau a strategaethau cymorth cynhwysol i'ch helpu chi i lwyddo.
- Atgyfeiriadau, cyfeirio cymdeithasol a gweithio amlasiantaethol.
- Cymorth unigol wrth bontio i'r coleg a gweithdai yn ystod yr haf.

llesiant@Cambria.ac.uk

Cymorth Tiwtor Arbenigol

Mae ein dull wedi ei deilwra i chi a'ch anghenion unigol. Os oes gennych angen dysgu ychwanegol, gall ein tiwtoriaid arbenigol gynorthwyo eich dysgu annibynnol.

Mae ein tiwtoriaid arbenigol yn gallu cynnig y canlynol hefyd:

- Sgrinio un i un i ddatblygu eich dealltwriaeth o'ch cryfderau eich hun a'ch heriau posibl
- Strategaethau arbenigol mewn dysgu'n effeithiol
- Atgyfeiriadau mewnol i dimau cymorth eraill i gefnogi eich anghenion, fel annog gwytnwch ac ymarferwyr llesiant
- Trefniadau Mynediad i Arholiadau a Lwfans Myfyrwyr Anabl
- Technoleg gynorthwyol gan gynnwys meddalwedd a chaledwedd
- Sesiynau mewn grwpiau bychan.

cymorth.dysgu@Cambria.ac.uk





Cymorth Dysgu a Hygyrchedd

Mae'r tîm Cymorth Dysgu yma i sicrhau bod gennych chi'r cymorth sydd ei angen arnoch i lwyddo yn eich cwrs. Gallwn addasu'r cymorth i ddiwallu eich anghenion a'ch gofynion unigol. Gallwn ddarparu cymorth o'r cyfnod gwneud cais a thrwy gydol eich taith.

Byddwn yn gweithio gyda chi i sicrhau eich bod yn gallu defnyddio'r safle cyfan tra byddwch chi'n astudio eich cwrs. Gallai hyn gynnwys darparu cyfarpar ychwanegol, cynlluniau gofal personol neu gynlluniau dianc mewn achos o dân. I sicrhau eich bod yn cael y gwaith pontio a chynllunio gorau, cysylltwch â'n cydlynwyr cymorth i drafod eich gofynion.

cymorth.dysgu@cambria.ac.uk

Rydym yn darparu:

- Cymorth dysgu yn y dosbarth ar lefelau 1 a Mynediad 3
- Cymorth pontio
- Mynediad i leoedd tawel a chynhwysol, gan gynnwys Ardal Cynhwysiant Anghenion Dysgu Ychwanegol.

Yn dibynnu ar eich anghenion unigol personol, mae gennym ni'r uchod yn ogystal â:

- Gweithwyr Cymorth Arbenigol Anhwylder Sbectrwm Awtistiaeth
- Cymorth penodol wedi'i deilwra
- Goruchwyliaeth amser cinio ac amser egwyl
- Cymorth cyfathrebu
- Cymorth gyda chlodiant
- Cyfnod pontio wedi'i deilwra
- Cymorth gofal personol/symudedd wedi'i deilwra
- Gweithiwr Cymorth Cyfathrebu / Arwyddwr Iaith Arwyddion Prydain
- Dehonglydd iaith arwyddion Prydain
- Hyfforddiant cyfeiriadedd
- Arweinydd sy'n gallu gweld (ar gyfer myfyrwr dall).

Mae Cambria wedi ymrwmo i gynhwysiant i'n holl ddysgwyr.

Cydraddoldeb ac Amrywiaeth

Yn Cambria, rydym wedi ymrwmo i hyrwyddo cydraddoldeb, dathlu amrywiaeth a chreu profiad dysgu cwbl gynhwysol. Rydym yma i'ch cefnogi gydag unrhyw faterion sy'n ymwneud â chi neu'ch hunaniaeth. Mae Cambria yn lle cynhwysol i bawb ni waeth beth fo'ch rhywedd, eich rhywioldeb, eich hil, eich crefydd, eich anabledd, eich dosbarth cymdeithasol neu unrhyw beth arall sy'n eich gwneud chi yn chi.

Mae gan Cambria Gydllynydd Cydraddoldeb ac Amrywiaeth pwrpasol sydd yno i'ch cefnogi chi gyda holl faterion sy'n ymwneud ag amrywiaeth, gan gynnwys:

- Cyngor, arweiniad a chefnogaeth
- Cefnogaeth wrth i chi symud i'r coleg
- Cymorth un i un parhaus
- Ymgysylltu â myfyrwyr ar faterion Cydraddoldeb
- Clybiau a chymdeithasau sy'n canolbwyntio ar gydraddoldeb e.e. Clwb LHDTC+
- Cydraddoldeb yn eich addysg.

Bydd pob aelod o'r coleg yn:

- Parchu ac yn dathlu gwahanol gefndiroedd a diwyllianau'r holl ddysgwyr, staff ac ymwelwyr
- Adlewyrchu'r cymunedau amrywiol rydym yn eu gwasanaethu
- Trin pob dysgwr a staff yn gyfartal ac yn deg
- Sicrhau bod dysgu a gwasanaethau'r coleg ar gael i bawb
- Herio rhagfarn
- Ac ni fydd yn goddef bwlio nac aflonyddu.

cydraddoldebacamrywiaeth@cambria.ac.uk



Anghenion Dysgu Ychwanegol

Mae ein dogfen Darpariaeth Dysgu Ychwanegol/Cyffredinol yn darparu rhagor o wybodaeth am ba gymorth sydd ar gael yn y coleg.



**TAPIWCH NEU
CLICIWCH YMA**

i weld y ddogfen Darpariaeth
Dysgu Ychwanegol/Cyffredinol



Rhowch wybod i ni os oes gennych chi Gynllun Datblygu Unigol, Cynllun Addysg, Iechyd a Gofal neu Gynllun Gofal Iechyd GIG.

Rhowch wybod i ni ar eich cais neu wrth anfon e-bost atom:

CDU@cambria.ac.uk

Llyfrgelloedd a Chymorth Sgiliau Academaidd

Mae'r Llyfrgell yn lle gwych i ddod i fod yn rhan o fywyd myfyrwyr yn Cambria. Mae llawer o weithgareddau'r coleg yn digwydd yn y llyfrgelloedd ac rydym yn edrych ymlaen at eich cyfarfod chi. Rydym yma i'ch cefnogi ac i'ch helpu chi i wneud y gorau o'ch amser yn y coleg - dewch i gael sgwrs gyda'r tîm am eich anghenion chi.

Mae gennym ystod wych o adnoddau print a digidol i'ch helpu gyda'ch gwaith cwrs, ac rydym yn ystyried ym mha arddull rydych chi'n hoffi dysgu.

Mae gennym un o'r casgliadau e-lyfrau mwyaf sy'n cael ei ddefnyddio amlaf yng Nghymru. Mae'n hawdd ei gyrchu yn y coleg a gartref, ond gall ein tîm eich cynorthwyo chi os oes angen cymorth arnoch chi i ddod o hyd i'r rhai cywir i chi. Os oes well gennych chi lyfrau print, mae gennym ystod eang o lyfrau ar gyfer pob maes pwnc. Mae ein casgliad digidol yn cynnig llwyfannau ar-lein gwych i'ch helpu gydag ymchwilio a chynllunio aseiniadau. Mae'r llwyfannau hyn yn cynnwys fideos a gwybodaeth pwnc benodol sy'n barod ar gyfer y diwydiant.

Mae eich llyfrgell hefyd yn lle gwych i ddod i astudio gan ein bod yn darparu lleoedd hygyrch a chynhwysol ar gyfer gwaith grŵp neu astudio'n annibynnol.

Gallwn gynnig:

- Staff cymorth cyfeillgar sy'n barod i ateb unrhyw gwestiynau
- Cymorth ymarferol gyda sgiliau ymchwil a gwybodaeth
- Adnoddau TG rhagorol - cyfrifiaduron, Chromebooks, peiriant copïo, mynediad Wi-Fi ar gyfer eich dyfeisiau eich hun a lleoedd i'w gwefru
- Amgylchedd hamddenol a diogel i chi gael egwyl
- Ystod ardderchog o lyfrau ac e-lyfrau i gynorthwyo â gwaith cwrs
- Cynnwys ar-lein gwych - darganfyddwch ein casgliad digidol ar Hwb Myfyrwyr

- Chromebooks i'w benthgyl er mwyn i chi allu cwblhau eich gwaith y tu allan i'r coleg
- Llyfrau cwrs a deunydd ysgrifennu ar werth, os byddwch yn anghofio dod â'ch rhai chi.

Cymorth Sgiliau Academaidd

Mae gennym dîm o Hwyluswyr ac Ymgynghorwyr Sgiliau Academaidd, sy'n gallu cynnig awgrymiadau defnyddiol ar sut i gynllunio'ch astudiaethau a chadw rheolaeth.

Dyma rai o'r pynciau y gallwn ni eich helpu chi gyda nhw:

- Cynllunio a threfnu eich amser
- Technegau arholiadau ac adolygu
- Creu aseiniad da
- Ymchwilio a dod o hyd i ffononellau gwybodaeth
- Sgiliau cyflwyno
- Sgiliau digidol
- Meddwl yn feirniadol.

Os oes gennych chi gwestiynau am ddefnyddio ein hadnoddau neu am gael cymorth sgiliau academaidd anfonwch e-bost at:

llyfrgell@cambria.ac.uk



Profiadau Dysgwyr

Mae cymaint o wahanol ffyrdd o fanteisio ar fywyd myfyrwyr yn Cambria a gwneud y gorau o'ch amser yma. Mi fyddwch chi'n cael cyfleoedd i gyfarfod ffrindiau newydd, rhoi cynnig ar weithgareddau newydd, meithrin eich sgiliau ac ychwanegu gwerth at eich cwrs. Nid yn unig y byddant yn eich helpu chi gyda'ch iechyd a'ch llesiant ac yn edrych yn dda ar eich CV, ond byddant yn rhoi hwb i'ch hunanhyder a'ch sgiliau cyflogadwyedd hefyd.

Profiadau Cyfoethogi

Mae gweithgareddau cyfoethogi yn cynnig y cyfle perffaith i ddarganfod, deall a datblygu eich potensial, cynyddu eich sgiliau a'ch diddordebau, meithrin eich hyder a gwneud ffrindiau! Yn ogystal â hynny, byddant yn eich galluogi i ddefnyddio a chyflymu eich dysgu a fydd yn cyfoethogi eich cwrs dewisol.

Gallwch chi gymryd rhan mewn amrywiaeth eang o glybiau a chymdeithasau ar draws y coleg, cymryd rhan mewn gweithgareddau cymunedol a gwirfoddoli, meithrin sgiliau arwain, datrys problemau, gwaith tîm a chyfathrebu.

Llais Myfyrwyr

Cymerwch ran gyda Llais Myfyrwyr a gwnewch wahaniaeth yn y coleg! Mae Llais Myfyrwyr yn eich galluogi i ddweud eich dweud a newid yr hyn sy'n digwydd yn y coleg. Dewch yn Gynrychiolydd Dosbarth ac ewch i gyfarfodydd Llais Myfyrwyr neu arwain/ymuno ag un o'n clybiau a chymdeithasau myfyrwyr i ennill sgiliau gwerthfawr a allent wella eich cyfleoedd gyrfa yn y dyfodol.

Cystadlaethau Sgiliau

Mae Cambria yn Ganolfan Ragoriaeth WorldSkills UK, ac mae'n cymryd rhan ac yn arwain cystadlaethau yng Nghymru a'r Deyrnas Unedig. Byddwch yn cael eich annog i gymryd rhan mewn cystadlaethau sgiliau, gan eich galluogi chi i gystadlu yn erbyn eraill ac i arddangos eich doniau yn eich sgil dewisol. Dyma fodd profedig o wella eich dysgu, a datblygu eich cyflogadwyedd, eich sgiliau technegol a'ch hunanhyder.

Cambria Heini

Mae tîm Cambria Heini yn darparu rhaglen lesiant cynhwysfawr a chynhwysol i fyfyrwyr a staff. Mae'r rhaglen yn cynnwys gweithgareddau aml-chwaraeon a ffitrwydd llawn hwyl fel ioga, troelli, pêl-droed, pêl-osgoi, badminton a gemau tîm llawn hwyl. Rydym yn cynnig rhaglen Llysgenhadon Ifanc o'r enw'r rhaglen Arweinwyr Dibynadwy, sy'n cynnig profiad hyfforddi, cymwysterau, teithiau i ffordd a mentora. Gallai'r tîm gynnig cyngor cwsg, maetheg, cryfder, ffitrwydd a ffordd o fyw i fyfyrwyr hefyd. Mae Cambria Heini yn rhoi pecyn gofal cyfannol i bob myfyriwr i gefnogi eu sgiliau academiaidd a chyflogaeth.

cambriaheini@cambria.ac.uk



Cynllun Dug Caeredin

Mae Cambria yn falch o fod yn un ddarparwyr mwyaf y Cynllun Dug Caeredin yn y sector Addysg Bellach yng Nghymru. Rydym yn cynnig y wobr aur, arian ac efydd i'r holl fyfyrwyr sy'n 14-24 oed, gan gynnig y cyfle i ddatblygu sgiliau gwerthfawr am oes a gweithio i gyflawni eich potensial.



**TAPIWCH NEU
CLICIWCH YMA**

i weld ein fideos
Cyfoethogi

Caplaniaeth

Efallai nad ydy caplaniaeth yn air sy'n gyfarwydd i bawb, ond mae'n syml iawn; mae caplaniaeth yn bodoli i helpu'r holl staff a myfyrwyr i deimlo'n rhan o gymuned ein coleg a'u bod yn cael eu gwerthfawrogi. Rydym yn gweithio ochr yn ochr â thimau cymorth i greu amgylchedd cynhwysol. Rydym bob amser yn chwilio am syniadau ac awgrymiadau ond mae'r gweithgareddau ar hyn o bryd yn cynnwys gweithdai ar ysbrydolrwydd a hunaniaeth, gweithgareddau byw yn y gwyllt, gweithdai ymwybyddiaeth aml-ffydd, a gwasanaethau cefnogi ffydd, gan gynnwys ystafelloedd gweddio a chefnogaeth argyfwng ffydd.

caplaniaeth@cambria.ac.uk

Mentergarwch a Dechrau Eich Busnes Eich Hun

P'un a ydych chi eisiau bod yn rheolwr arnoch chi eich hun yn y dyfodol, archwilio i syniad busnes neu eisiau profi masnach rŵan, mae Cambria a Syniadau Mawr Cymru yma i'ch cefnogi chi! Gallwch ddatblygu eich sgiliau entrepreneuriaeth trwy gymryd rhan mewn ystod o heriau a chlybiau menter a gweithgareddau sy'n cael eu llywio gan Bwyllgor Mentergarwch dan arweiniad myfyrwyr.

mentergarwch@cambria.ac.uk

Siop Swyddi

Mae Siop Swyddi Cambria yn cynorthwyo sgiliau cyflogadwyedd holl fyfyrwyr Cambria ac mae ar gael ar bob safle. Mae'r gwasanaeth cyflogadwyedd yn hanfodol wrth helpu i'n myfyrwyr symud ymlaen at yrfaeod ar ôl gorffen astudio.

Trwy sesiynau galw heibio, mae'r Siop Swyddi yn helpu myfyrwyr trwy gynnig cyngor am ysgrifennu CV, llythyrau eglurhaol, chwilio am swyddi, prentisiaethau, ffurflenni cais, ac awgrymiadau ar gyfer cyfweiliadau. Mae gweithdai ar gael hefyd i'r rheiny sydd well ganddyn nhw weithio mewn grwpiau.

I gael rhagor o fanylion, anfonwch e-bost at: siopswyddi@cambria.ac.uk

Profiad Gwaith

Yn Cambria rydym yn deall pwysigrwydd profiad gwaith a sut y gall eich helpu i baratoi ar gyfer byd gwaith. Mae ein tîm ymroddedig yn cefnogi meysydd cwricwlwm sydd ag elfen orfodol profiad gwaith. Mae gan ein tîm gysylltiadau ag ystod eang o fusnesau lleol ac maent yn gallu helpu i'ch cysylltu chi â chwmni sy'n ffitio eich dyheadau gwaith ac efallai hyd yn oed cyfleoedd cyflogaeth ar gyfer y dyfodol.


I gael rhagor o fanylion, anfonwch e-bost at profiadgwaith@cambria.ac.uk

Safon Uwch

Rydyn ni'n falch o'n llwyddiant sy'n arwain y sector, ac am ein henw da am ysbrydoli myfyrwyr i lwyddo.

Chweched Glannau Dyfrdwy

Chweched Glannau Dyfrdwy yw ein canolfan chweched dosbarth gyda'r cyfleusterau diweddaraf yng Ngholeg Cambria Glannau Dyfrdwy. Mae myfyrwyr pynciau Safon Uwch yn dysgu mewn cyfleusterau addysgu arbenigol sy'n llawn cyfarpar addysgu. Mae ein canolfan yn lle cyfeillgar a bywiog, gyda llyfrgell ragorol a chyfleusterau TG blaengar ardderchog sy'n cynorthwyo'r myfyrwyr i astudio ac i ymchwilio'n annibynnol.



Mynd Ymlaen i Brifysgol a Llwybrau Eraill

Mae gennym raglen gymorth helaeth a chysylltiadau da iawn gyda nifer o brifysgolion blaenllaw. Mae gan y ddau chweched dosbarth raglen o sgysiau ac ymweliadau sy'n cynnwys siaradwyr o nifer o brifysgolion gwahanol. Caiff y myfyrwyr eu hannog i fynd i ddiwrnodau agored a digwyddiadau heriau. Byddant yn cael eu cefnogi'n llwyr trwy gydol y broses ymgeisio am le mewn prifysgol hefyd.

Chweched lâl

Chweched lâl yw ein canolfan chweched dosbarth sydd ag enw da ers cryn amser yng Ngholeg Cambria lâl. Mae gennym labordai gwyddoniaeth llawn cyfarpar, theatr, ystafelloedd cyfrifiadurol a stiwdios celf gydag offer proffesiynol ynddynt i gyd. Anogir y myfyrwyr i ddefnyddio'r llyfrgell dull prifysgol tri llawr i ymgymryd ag astudiaethau preifat a thiworialau grŵp ac i gael cymorth i ddatblygu eu sgiliau.

Rhwydwaith Seren

Mae Chweched Glannau Dyfrdwy a Chweched lâl yn bartneriaid gweithgar y Rhwydwaith Seren llawn bri, sy'n cynorthwyo cyflawnwyr uchel i gyrraedd eu nodau symud ymlaen, trwy raglen reolaidd o weithgareddau uwch-gwricwlaidd.

Bydd y myfyrwyr nad ydynt yn dewis mynd ymlaen yn uniongyrchol i brifysgol, yn cael cymorth gyda'u ceisiadau i gyflogaeth uwch a phrentisiaethau uwch.

Rhaglen Potensial Uwch

Yn Cambria rydym yn credu ynoch chi ac yn eich potensial gwych. Rydym yma i'ch ysbrydoli ac i'ch helpu i adnabod, archwilio a datblygu rhagor. Felly p'un a oes gennych dalent, diddordeb a sgiliau ym myd celfyddydau, TG, ieithoedd, chwaraeon, arwain, SEREN neu sgiliau galwedigaethol, rydym wrth law i'ch helpu i gydnabod eich potensial uwch a chyflawni rhagoriaeth a llwyddiant. Mae ein Cydlynnydd Potensial Uwch yn gweithio gyda staff a myfyrwyr i gefnogi ac ymestyn eich doniau a'ch gallu yn ystod eich cyfnod yn Cambria.

Pa Gyrsiau Safon Uwch Sydd Ar Gael?

SAFON UWCH

CWRS	CHWECHED GLANNAU DYFRDWY	CHWECHED IÂL
Addysg Gorfforol	✓	✓
Astudiaethau Busnes	✓	✓
Astudiaethau Crefyddol (Athroniaeth, Moeseg a Chrefydd)	✓	✓
Astudiaethau Cyfryngau	✓	✓
Astudiaethau Ffilm	✓	✓
Bioleg	✓	✓
Celf a Dylunio (Celf, Crefft a Dylunio)	✓	
Celf a Dylunio (Celf, Crefft a Dylunio, Celfyddyd Gain, Dylunio Tecstilau, Dylunio 3D a Dylunio Graffeg)		✓
Celf a Dylunio (Ffotograffiaeth: Y Cyfryngau Rhyngweithiol a Chyfathrebu Digidol)		✓
Cemeg	✓	✓
Cerddoriaeth	✓	✓*
Cyfrifiadureg	✓	✓
Cymdeithaseg	✓	✓
Cymraeg (Ail Iaith)	✓	✓
Cymraeg (Iaith Gyntaf)	✓	✓
Daearyddiaeth	✓	✓
Drama ac Astudiaethau Theatr	✓	✓
Economeg	✓	✓
Ffiseg	✓	✓
Gwareiddiad Clasur		✓
Gwyddor yr Amgylchedd		✓
Hanes	✓	✓
Iaith a Llenyddiaeth Saesneg Cyfun		✓
Iaith Saesneg	✓	✓
Llenyddiaeth Saesneg	✓	✓
Llywodraeth a Gwleidyddiaeth	✓	✓
Mathemateg	✓	✓
Mathemateg Bellach	✓	✓
Seicoleg	✓	✓
Technolegau Digidol	✓	✓
Troseddeg (Diploma Cymhwysol Lefel 3)	✓	
Y Gyfraith	✓	✓

*Addysgir yn Chweched Glannau Dyfrdwy

Cyrsiau Ymarferol

Rydym yn cynnig cyrsiau galwedigaethol llawn amser, o lefel mynediad hyd at lefel 3 ar ein safleoedd yng Nglannau Dyfrdwy, lâl, Llaneanrain, Ffordd y Bers a Llysfasi.

Cyrsiau dwy flynedd o hyd yw'r rhain yn bennaf, sy'n gyfystyr ag astudio tri chymhwyster Safon Uwch. Mae'r cyrsiau hyn yn cyfuno sgiliau ymarferol sy'n canolbwyntio ar yrfa ac astudio academaidd i baratoi ar gyfer cyflogaeth, prifysgol neu brentisiaethau. Mae'r rhan fwyaf o'r cyrsiau hyn yn cynnwys elfen profiad gwaith.

Mae cyrsiau ymarferol/galwedigaethol fel arfer yn cael eu hasesu trwy waith cwrs neu arsylwi cymhwysedd mewn sgiliau ymarferol. Bydd y rhan fwyaf o fyfyrwyr sy'n astudio cymhwyster galwedigaethol Lefel 3 dwy flynedd yn astudio'r pwnc, er bydd staff yn cadarnhau p'un a yw hynny'n berthnasol yn ystod y broses gwneud cais.



Pa Gyrsiau Ymarferol Sydd Ar Gael?

CYRSIAU YMARFEROL

PWNC	GLANNAU DYFRDWY	IÂL	FFORDD Y BERS	LLYSFASI	LLANEURGAIN
Adeiladu - Creffttau	✓		✓		
Adeiladu - Technegol			✓		
Adeiladu a Gwasanaethau Adeiladau	✓		✓		
Blodeuwriaeth		✓			
Busnes, Arwain a Rheoli		✓			
Busnes Ffasiwn a Manwerthu	✓				
Camu at Cambria		✓			✓
Cyrsiau i'r Niwroamrywiol	✓	✓			✓
Chwaraeon a Ffitrwydd	✓	✓			
Dysgu Saesneg	✓	✓			
E-chwaraeon	✓				
Gofal Plant, Astudiaethau Plentynod a Gwaith Chwarae	✓	✓			
Gwasanaethau Cyhoeddus mewn Lifrai	✓	✓			
Gwyddoniaeth - Ymchwilio Fforensig a Throseddol		✓			
Iechyd a Gofal Cymdeithasol	✓	✓			
Lletygarwch ac Arlwyyo		✓			
Mynediad i Addysg Uwch	✓	✓			
Peirianeg - Cerbydau Modur	✓		✓		
Peirianeg - Gweithgynhyrchu, a Chynnal a Chadw	✓		✓		
Peirianeg - Gwneuthuro a Weldio	✓		✓		
Sgiliau Byw'n Annibynnol		✓			✓
Technolegau Digidol, Cyfrifiadura a TG	✓	✓			
Teithio a'r Economi Ymwelwyr		✓			
Trin Gwallt a Thorri Gwallt Dynion	✓	✓			
Therapiau Harddwch, Sba a Chyflenwol	✓	✓			
Y Diwydiannau Creadigol - Celf a Dylunio		✓			
Y Diwydiannau Creadigol - Cynhyrchu Cyfryngau Creadigol	✓	✓			
Y Diwydiannau Creadigol - Perfformio a Chynhyrchu Cerddoriaeth	✓	✓			
Y Diwydiannau Creadigol - Y Celfyddydau Perfformio a Chynhyrchu Theatr Cefn Llwyfan		✓			

Cyrsiau'r Tir

Rydym yn cynnig ystod o gyrsiau'r tir ymarferol llawn amser ar ein safleoedd Llaneurgain a Llysfasi.

Cyrsiau dwy flynedd o hyd yw'r rhain yn bennaf, sy'n gyfystyr ag astudio tri chymhwyster Safon Uwch. Mae'r cyrsiau hyn yn cyfuno sgiliau ymarferol sy'n canolbwyntio ar yrfa ac astudio academaidd i baratoi ar gyfer cyflogaeth, prifysgol neu brentisiaethau. Mae'r rhan fwyaf o'r cyrsiau hyn yn cynnwys elfen profiad gwaith.

Mae cyrsiau ymarferol/galwedigaethol fel arfer yn cael eu hasesu trwy waith cwrs neu arsylwi cymhwysedd mewn sgiliau ymarferol. Bydd y rhan fwyaf o fyfyrwyr sy'n astudio cymhwyster galwedigaethol Lefel 3 dwy flynedd yn astudio'r pwnc, er bydd staff yn cadarnhau p'un a yw hynny'n berthnasol yn ystod y broses gwneud cais.



Pa Gyrsiau'r Tir Sydd Ar Gael?

CYRSIAU'R TIR

PWNC	LLYSFASI	LLANEURGAIN
Amaethyddiaeth ac Amaethyddiaeth Fanwl Gywir	✓	
Coedwigaeth a Chefn Gwlad	✓	
Gofal a Rheolaeth Anifeiliaid		✓
Peirianeg Amaethyddol	✓	
Cynllun Hyfforddiant Diploma AGCO	✓	
Cynllun Hyfforddiant Diploma Kubota	✓	

Mae prentisiaethau yn ffordd wych i bobl ifanc ddechrau eu llwybrau gyrfa.

Gallwn gynghori'ch disgyblion ynghylch prentisiaethau, i'w helpu i benderfynu ai dyna'r llwybr gorau iddyn nhw. Gallwn hyd yn oed eu helpu i ddod o hyd i swydd.

Rydym yn cydweithio'n agos â chyflogwyr sy'n cynnig prentisiaethau mewn ystod eang o feysydd - o Beirianeg a Blodeuwriaeth i Farchnata a TG.

Mae prentisiaethau ar gael ar 5 Lefel; Lefel 2 hyd at Lefel 6.



Twf Swyddi Cymru+

Bydd ein rhaglen Twf Swyddi Cymru+ yn eich helpu i ddatblygu eich sgiliau personol ac i oresgyn rhwystrau sy'n eich stopio rhag mynd i'r byd gwaith neu sicrhau cyflogaeth.

Byddwn yn eich helpu i wella eich hyder, ennill cymwysterau, canolbwyntio ar ddod o hyd i yrfa sy'n addas i chi a gwella eich sgiliau llythrennedd a rhifedd.

Byddwch yn mynd i leoliad gwaith mewn maes sydd o ddiddordeb i chi, a fydd yn eich helpu i ganfod eich llwybr gyrfa.

Byddwch yn cael cymorth drwy gydol eich amser ar y rhaglen gan dîm ymroddedig a chefnogol i'ch helpu i sicrhau dysgu pellach, cyflogaeth neu brentisiaeth.

Sut allwn ni helpu?

Gallwn ymweld â'ch ysgol i drafod cyfleoedd prentisiaethau a Twf Swyddi Cymru+ a helpu eich disgyblion i ddod o hyd i swyddi. Mae ein tîm yn fodlon cynghori disgyblion eich ysgol ar bob agwedd ar brentisiaethau a Thwf Swyddi Cymru+.

Mae ein Siop Swyddi ar-lein yn rhestru pob swydd prentisiaeth:
www.cambria.ac.uk/job-shop

Cyrsiau Lefel Gradd

Oeddech chi'n gwybod ein bod ni yn cynnig graddau yng Ngholeg Cambria?

Erbyn hyn mae myfyrwyr yn gallu parhau â'u hastudiaethau gyda ni hyd at lefel gradd.

Yng Nghanolfan Brifysgol Cambria, mae ein cyrsiau i gyd wedi'u cynllunio gyda chyflogaeth mewn golwg i wneud y mwyaf o'ch potensial gyrfa.

Mae mewnbyn cyflogwyr yn sicrhau eich bod yn meithrin y sgiliau sydd eu hangen arnoch chi i lwyddo yn eich gyrfa o ddewis.

Rydym mewn partneriaeth â rhai o brifysgolion a chwmnïau dysgu gorau'r Deyrnas Unedig i gyflwyno'r Addysg Uwch orau yng Ngogledd Cymru.



www.cambria.ac.uk/university-centre | 0300 30 30 007 | he@cambria.ac.uk

EIN CYRSIAU

Adeiladu a Gwasanaethau Adeiladau	Gwyddorau Cymdeithasol a Throsedddeg
Addysgu, Asesu ac Addysg	Iechyd*
Amaethyddiaeth	Mynediad i Addysg Uwch
Busnes, Rheoli ac Arwain	Peirianeg, Gweithgynhyrchu, a Chynnal a Chadw
Chwaraeon a Ffitrwydd*	Seicoleg a Chwmsela*
E-chwaraeon	Technolegau Digidol, Cyfrifiadura a TG
Gofal a Rheolaeth Anifeiliaid	Twristiaeth a'r Economi Ymhelwyr
Gofal Plant, Astudiaethau Plentynod a Gwaith Chwarae	

*os yw'n cael ei ddilysu

PRENTISIAETHAU UWCH A GRADD

Adeiladu	Cyfrifeg	Gwyddor Data
Arlywyo a Lletygarwch	Cynghori a Rhoi Arweiniad	Iechyd a Gofal Cymdeithasol
Arwain a Rheoli	Garddwriaeth	Peirianeg Awyrennau
Ceffyleg	Gofal Plant	Peirianeg/Gweithgynhyrchu
CIPD	Gweithgynhyrchu Bwyd	TG a Seiberddiogelwch

Dysgu trwy Gyfrwng y Gymraeg



Os ydych chi wedi astudio trwy gyfrwng y Gymraeg neu'n ddwyieithog yn yr ysgol, gallwch chi barhau i wneud hynny yn Cambria.

Gallwch chi wneud y canlynol yn Gymraeg:

- Cyflwyno gwaith ysgrifenedig a chael nodiadau dwyieithog
- Astudio cyrsiau neu fodiwlau penodol
- Cwblhau profiad gwaith mewn ystod o amgylcheddau lle mae'r Gymraeg yn cael ei siarad
- Asesiadau, cyfweiliadau mynediad, tiwtorialau, mentora a chyfarfodydd

Os nad oes gennych chi sgiliau Cymraeg neu os hoffech chi ddatblygu eich sgiliau presennol, mae lluo o gyfleoedd i chi wella a magu hyder i ddefnyddio'r Gymraeg yn eich maes pwnc.



**TAPIWCH NEU
CLICIWCH YMA**

i ddysgu rhagor





Dewch o hyd i ni yn

1 Glannau Dyfrdwy

Ffordd Celstryn
Cei Connah
Glannau Dyfrdwy
Sir y Fflint
CH5 4BR

1 Chweched Glannau Dyfrdwy

Lôn Golffryn
Cei Connah
Glannau Dyfrdwy
Sir y Fflint
CH5 4BH

2 Llysfasi

Ffordd Rhuthun
Rhuthun
Sir Ddinbych
LL15 2LB

3 Llaneurgain

Ffordd Treffynnon
Llaneurgain
Sir y Fflint
CH7 6AA

4 Ffordd y Bers

Ffordd y Bers
Wrecsam
LL13 7UH

5 Iâl a Chweched Iâl

Ffordd Parc y Gelli
Wrecsam
LL12 7AB

Anfonwch e-bost, os hoffech gael rhagor o wybodaeth
gwasanaethau@ysgolion@cambria.ac.uk